

# Fundargerð 830. fundar

## stjórnar Sambands íslenskra sveitarfélaga

Árið 2015, föstudaginn 11. september kl. 14:00 kom stjórn Sambands íslenskra sveitarfélaga saman til fundar í Hótel Örk í Hveragerði.

Fundinn sátu: Halldór Halldórsson, Eiríkur Björn Björgvinsson, Björk Vilhelmsdóttir, Gunnar Axel Axelsson, Jónína Erna Arnardóttir, Halla Sigríður Steinólfsdóttir, Gunnar Einarsson, Sigurður Björn Blöndal, Aldís Hafsteinsdóttir og Gunnhildur Ingvarsdóttir

Ísólfur Gylfi Pálmason boðaði forföll og varamaður hans hafði ekki tók á að sitja fundinn.

Að auki sátu fundinn Karl Björnsson framkvæmdastjóri, Gunnlaugur A. Júlíusson sviðsstjóri, Inga Rún Ólafsdóttir sviðsstjóri og Guðjón Bragason sem ritaði fundargerð.

Fundargerðin var færð í tölvu.

Þetta var tekið fyrir:

### 1. Fundargerð 829. fundar - 1412022SA

Lögð fram til staðfestingar fundargerð 829. fundar frá 3. júlí 2015.

*Fundargerðin staðfest og undirrituð.*

### 2. Félagsþjónustunefnd sambandsins - 0911050SA

Lögð fram fundargerð 26. fundar félagsþjónustunefndar sambandsins frá 27. ágúst 2015.

### 3. Fundir Jónsmessunefndar 2015 - 1501041SA

Lögð fram fundargerð samstarfsnefndar ríkis og sveitarfélaga – Jónsmessunefndar - frá 8. september 2015.

*Stjórnin áréttar varðandi 5. lið a í fundargerðinni að skipa þarf án frekari tafa nefnd til viðræðna milli ríkis og sveitarfélaga um lífeyrisskuldbindingar hjúkrunarheimila.*

### 4. Staða kjaraviðræðna - 1409043SA

Lagt fram sem trúnaðarmál minnisblað sviðsstjóra kjarasviðs sambandsins, dags. 8. september 2015, um stöðu kjaraviðræðna samninganefndar Sambands íslenskra sveitarfélaga í september 2015. Inga Rún Ólafsdóttir gerði nánari grein fyrir stöðu viðræðna við einstök stéttarfélög.

*Við umræðu um minnisblaðið var m.a. rætt um áhrif 3,30% launahækkunar, sem leiðir að meðaltali af endurskoðun starfsmatskerfis sveitarfélaga, á fjárhag sveitarfélaga.*

### 5. Landsþing 2016 - 1508007SA

Lögð fram tillaga um að XXX. landsþing sambandsins verði haldið föstudaginn 8. apríl 2016 á Grand hóteli í Reykjavík.

*Tillagan var samþykkt samhljóða.*

**6. Fjármálaráðstefna sveitarfélaga 2015 - 1410129SA**

Lögð fram dagskrá fjármálaráðstefnu sveitarfélaga sem haldin verður á Hilton Reykjavík Hótel Nordica dagana 24. og 25. september 2015.

**7. Frumvarp til fjárlaga 2016 - 0510373SA**

Lagt fram minnisblað hag- og upplýsingasviðs sambandsins, dags. 9. september 2015, um frumvarp til fjárlaga 2016.

*Samantektin verður unnin frekar á næstu vikum og komu fram ýmsar gagnlegar ábendingar frá stjórnarmönnum um efni skjalsins.*

**8. Verkefnaflutningur - málefni fatlaðra - 0712408SA**

Framkvæmdastjóri sambandsins gerði grein fyrir störfum verkefnisstjórnar um endurmat á fjárhagslegum forsendum þjónustu við fatlað fólk.

**9. Kostnaður við námsgögn í grunnskólum - 1509004SA**

Lagt fram minnisblað lögfræði- og velferðarsviðs sambandsins, dags. 7. september 2015, um athugun á kostnaði við ritföng o.fl. í grunnskólum. Einnig lagt fram bréf Velferðarvaktarinnar, dags. 3. september 2015.

*Stjórnin vísar málinu til frekari umfjöllunar í skólamálanefnd sambandsins.*

**10. Vindmyllur á Íslandi - 1503029SA**

Lagt fram bréf Rangárpings eystra, dags. 10. ágúst 2015, um vindorku og vindmyllur. Einnig lagt fram minnisblað sambandsins, dags. 28. maí 2015, þar sem kallað er eftir viðræðum við Samorku, samtök orku- og veitufyrirtækja um nokkur málefni, þ.m.t. þörf fyrir skýrari löggjöf um vindorku. Fundur er fyrirhugaður með Samorku á næstunni þar sem farið verður yfir málefnið.

*Stjórnin mun taka málið til umræðu að nýju að loknum fyrrgreindum fundi með Samorku.*

**11. Flutningur opinberra starfa - 1502049SA**

Samkvæmt bókun 13. töluliðar fundargerðar 827. fundar stjórnar frá 27. mars 2015, skal fara fram stefnumarkandi umræða um stefnu sambandsins í flutningi opinberra starfa frá einu sveitarfélagi til annars eða annarra sveitarfélaga.

*Umfjöllun um málið var frestað til næsta stjórnarfundar.*

**12. Uppbygging ferðaþjónustu - 1508013SA**

Lögð fram bókun bæjarráðs Stykkishólms frá 23. júní 2015, þar sem fram kemur að stuðla þurfi að jákvæðri þróun í ferðaþjónustu. Samband íslenskra sveitarfélaga er hvatt til að taka málefni ferðaþjónustunnar upp í viðræðum við ríkisvaldið og efna til ráðstefnu þar sem einungis yrði fjallað um uppbyggingu ferðaþjónustu og aðkomu sveitarfélaga og ríkisvaldsins í æskilegri þróun þessa mikilvæga atvinnuvegar sem ferðaþjónustan er. Einnig lagt fram minnisblað sviðsstjóra lögfræði- og velferðarsviðs sambandsins, dags. 7. september 2015, um viðbrögð við tillögu bæjarráðs Stykkishólmsbæjar.

*Stjórnin felur framkvæmdastjóra að undirbúa ráðstefnu um málefnið, í samstarfi við Stykkishólmsbæ.*

### 13. Fjárhagsvandi tónlistarskóla í Reykjavík - 1403035SA

Lagt fram bréf sambandsins og Reykjavíkurborgar til mennta- og menningarmálaráðherra, dags. 27. ágúst 2015, um tillögu að lausn á bráðum fjárhagsvanda tónlistarskóla í Reykjavík.

Einnig lögð fram bókun 418. fundar stjórnar samtaka sveitarfélaga á höfuðborgarsvæðinu frá 24. ágúst 2015, um greiðslur vegna framhaldsnáms í tónlistarskólum.

*Stjórnin er einhuga um að það sé bæði rétt og eðlilegt að framlög ríkisins taki til kennslukostnaðar í tónlistarskólum vegna tónlistarnáms á framhaldsstigi og 4. stigi, auk miðstigs í söngnámi og tengdum kostnaði, enda er slíkt í samræmi við inntak þess samnings sem var gerður á árinu 2011 og þann góða vilja sem þar bjó að baki. Stjórnin leggur áherslu á að sem fyrst verði gerður nýr samningur á sama grunni.*

### 14. Móttaka flóttamanna - 1509005SA

Lagt fram minnisblað framkvæmdastjóra og sviðsstjóra þróunar- og alþjóðasviðs sambandsins, dags. 9. september 2015, um móttöku sveitarfélaga á flóttamönnum, ásamt norrænni samantekt.

*Stjórnin leggur áherslu á að sambandið bjóði sveitarfélögum þjónustu sína við undirbúning móttöku flóttamanna, og beiti sér fyrir endurskoðun á inntaki þeirra samninga og reglna sem gilda um kostnaðarskiptingu ríkis og sveitarfélaga vegna málaflokksins, í samvinnu við þau sveitarfélög sem málið varðar.*

### 15. Endurskoðun samninga við Fjölís - 1112005SA

Lagt fram minnisblað lögfræðings á lögfræði- og velferðarsviði sambandsins og sérfræðings á hag- og upplýsingasviði sambandsins, dags. 9. september 2015, um miðlægan samning um notkun á höfundarréttarvörðu efni í skólum, ásamt fylgiskjölum.

*Stjórnin veitir framkvæmdastjóra heimild til þess að ganga til samninga við mennta- og menningarmálaráðuneytið og FJÖLÍS á grundvelli fyrirliggjandi gagna.*

### 16. Staða reynsluverkefnis um innleiðingu NPA - 1103001SA

Lagt fram bréf sambandsins til velferðarráðuneytisins, dags. 24. ágúst 2015, um stöðu reynsluverkefnis um innleiðingu NPA.

*Stjórnin tekur undir þá afstöðu sem fram kemur í bréfi sambandsins til velferðarráðuneytisins, að framlag ríkisins til NPA- verkefnisins verði hækkað þannig að greiðslur standi undir 30% kostnaðar af gerðum samningum vegna yfirstandandi árs. Að öðrum kosti sitja sveitarfélögin uppi með svartapétur í því verkefni sem Alþingi ákvað með öllum greiddum atkvæðum að ráðist skyldi í.*

### 17. Aðkoma sambandsins að riti um málefni frítímans - 1503013SA

Lagt fram minnisblað sviðsstjóra þróunar- og alþjóðasviðs sambandsins og sérfræðings á hag- og upplýsingasviði sambandsins, dags. 15. júní 2015, um aðkomu sambandsins að riti um málefni frítímans.

*Stjórnin fellst á að sambandið styrki verkefnið, á þann hátt sem lagt er til í minnisblaðinu.*

**18. Samráðsnefnd um málefni fatlaðs fólks - 1103020SA**

Lagðar fram til kynningar fundargerðir 50., 51. og 52. fundar samráðsnefndar um málefni fatlaðs fólks frá 15. apríl, 21. maí og 25. ágúst 2015.

*Björk Vilhelmsdóttir borgarfulltrúi hefur beðist lausnar úr samráðsnefnd um málefni fatlaðs fólks. Stjórnin samþykkir að S. Björn Blöndal borgarfulltrúi taki sæti Bjarkar í samráðsnefndinni. Stjórnin þakkar Björk fyrir vel unnin störf í stjórn sambandsins og í samráðsnefndinni. Færði formaðurinn henni vænan blómvönd úr Hveragerði fyrir hönd stjórnarinnar.*

*Björk kvað sér hljóðs í lok fundarins og þakkaði stjórnarmönnum fyrir afar gott og málefnalegt samstarf á undangengnum árum.*

**19. Málþing sveitarfélaga um upplýsingatæknimál - 1211009SA**

Lagt fram til kynningar minnisblað sviðsstjóra þróunar- og alþjóðasviðs sambandsins, dags. 16. júlí 2015, um málþing sveitarfélaga um upplýsingatæknimál 2. júní 2015.

**20. Tilnefning í starfshóp um þjónustu við langveik börn - 1507003SA**

Lagt fram til kynningar bréf sambandsins til velferðarráðuneytisins, dags. 3. júlí 2015, þar sem Kristján Sturluson, sviðsstjóri stjórnáslu Hafnarjarðarkaupstaðar, og Gyða Hjartardóttir, félagsþjónustufulltrúi á lögfræði- og velferðarsviði sambandsins, eru tilnefnd í starfshóp um þjónustu við langveik börn.

**21. Tilnefning í stjórn Úrvinnslusjóðs - 1508018SA**

Lagt fram til kynningar bréf sambandsins til umhverfis- og auðlindaráðuneytisins, dags. 19. ágúst 2015, þar sem Bryndís Gunnlaugsdóttir, bæjarfulltrúi í Grindavík, og Lúðvík E. Gústafsson, sérfræðingur í umhverfismálum hjá sambandinu, eru tilnefnd í stjórn Úrvinnslusjóðs.

**22. Tilnefning í stýrihóp um landsumgjörð fyrir samvirkni í rafrænni þjónustu - 1508031SA**

Lagt fram til kynningar bréf sambandsins til fjármála- og efnahagsráðuneytisins, dags. 1. september 2015, þar sem Vala Dröfn Hauksdóttir, deildarstjóri tölvudeildar hjá Garðabæ, og Óskar Jörgen Sandholt, skrifstofustjóri Skrifstofu þjónustu og reksturs hjá Reykjavíkurborg, eru tilnefnd í stýrihóp um landsumgjörð fyrir samvirkni í rafrænni þjónustu.

**23. Tilnefning í stjórn Vinnueftirlits ríkisins - 1507020SA**

Lagt fram til kynningar bréf sambandsins til velferðarráðuneytisins, dags. 2. september 2015, þar sem Sólveig B. Gunnarsdóttir, lögfræðingur á kjarasviði sambandsins, og Valur Rafn Halldórsson, sérfræðingur á hag- og upplýsingasviði sambandsins, eru tilnefnd í stjórn Vinnueftirlits ríkisins.

**24. Tilnefning í nefnd um endurskoðun reglugerðar um daggæslu barna í heimahúsum - 1507025SA**

Lagt fram til kynningar bréf sambandsins til velferðarráðuneytisins, dags. 4. september 2015, þar sem Gunnhildur María Sæmundsdóttir, leikskólafulltrúi í Mosfellsbæ, er tilnefnd í nefnd til að endurskoða reglugerð um daggæslu barna í heimahúsum.

**25. Umsögn um drög að reglugerð um skeldýrarækt - 1507006SA**

Lögð fram til kynningar umsögn sambandsins til atvinnuvega- og nýsköpunarráðuneytisins, dags. 9. júlí 2015, um drög að reglugerð um skeldýrarækt.

**26. Umsögn um drög að breytingu á reglugerð um héraðsvegi - 1508014SA**

Lögð fram til kynningar umsögn sambandsins til innanríkisráðuneytisins, dags. 12. ágúst 2015, um drög að breytingu á reglugerð um héraðsvegi.

**27. Umsögn um frumvarp til laga um húsnæðisbætur - 1308010SA**

Lögð fram til kynningar umsögn sambandsins til velferðarnefndar Alþingis, dags. 27. ágúst 2015, um frumvarp til laga um húsnæðisbætur, 788. mál.

**28. Umsögn um drög að geðheilbrigðisstefnu ásamt aðgerðaráætlun - 1508036SA**

Lögð fram til kynningar umsögn sambandsins til velferðarráðuneytisins, dags. 28. ágúst 2015, um drög að geðheilbrigðisstefnu ásamt aðgerðaáætlun.

**29. Umsögn um drög að reglugerð um framlög í málaflokki fatlaðs fólks - 1507007SA**

Lögð fram til kynningar umsögn sambandsins til Jöfnunarsjóðs sveitarfélaga, dags. 2. júlí 2015, um drög að reglugerð um framlög í málaflokki fatlaðs fólks.

**30. Umsögn um drög að reglugerð um fiskeldi - 1508002SA**

Lögð fram til kynningar umsögn sambandsins til atvinnuvega- og nýsköpunarráðuneytisins, dags. 27. ágúst 2015, um reglugerðadrög um fiskeldi.

**31. Umsögn um frumvarp til nýrra laga um útlendinga - 1508048SA**

Lögð fram til kynningar umsögn sambandsins til innanríkisráðuneytisins, dags. 7. september 2015, um frumvarp til nýrra laga um útlendinga.

**32. Skil starfshóps um mat á framkvæmd menntastefnu um skóla án aðgreiningar - 1303086SA**

Lagt fram til kynningar minnisblað um skil starfshóps um mat á framkvæmd um skóla án aðgreiningar, dags. 2. júní 2015, ásamt skýrslu starfshópsins, dags. 1. maí 2015. Einnig lagt fram til kynningar minnisblað starfshópsins, dags. 3. janúar 2015, um kostnaðarþátttöku sambandsins vegna samkomulags við Félag grunnskólakennara um greiningu á framkvæmd menntastefnu.

**33. Vistunardeildir 18 og 20 við Landspítalann í Kópavogi - 0712408SA**

Lagt fram til kynningar bréf sambandsins til velferðarráðuneytisins, dags. 10. ágúst 2015, um bókun með samningi Landspítala og Styrktarfélagsins Áss vegna íbúa á vistunardeildum 18 og 20 í Kópavogi.

**34. Aðkoma að rannsóknarverkefninu: "Does Legitimacy make a difference?" - 1509001SA**

Lagt fram til kynningar minnisblað sviðsstjóra þróunar- og alþjóðasviðs sambandsins, dags. 9. september 2015, um vilyrði um þátttöku í rannsóknarverkefninu "Skiptir lögmæti máli?".

**35. Ráðstefna um stöðu og þróun íslenska sveitarstjórnarstigsins í norrænu ljósi - 1503002SA**

Lagt fram til kynningar minnisblað sviðsstjóra þróunar- og alþjóðasviðs sambandsins, dags. 8. september 2015, um ráðstefnu 26. október nk., um stöðu og þróun íslenska sveitarstjórnarstigsins í norrænu ljósi.

**36. Ályktanir Búnaðarsambands Vestfjarða - 1508004SA**

Lagðar fram til kynningar ályktanir sem samþykktar voru á aðalfundi Búnaðarsambands Vestfjarða 11. apríl 2015.

**37. Bókun bæjarstjórnar Seyðisfjarðarkaupstaðar - 1506220SA**

Lögð fram til kynningar bókun bæjarstjórnar Seyðisfjarðarkaupstaðar frá 12. ágúst 2015, í tilefni 70 ára afmælis Sambands íslenskra sveitarfélaga.

Fundi var slitið kl. 16:50.

---

Halldór Halldórsson

---

Eiríkur Björn Björgvinsson

---

Björk Vilhelmsdóttir

---

Gunnar Axel Axelsson

---

Jónína Erna Arnardóttir

---

Halla Sigríður Steinólfsdóttir

---

Gunnar Einarsson

---

Sigurður Björn Blöndal

---

Aldís Hafsteinsdóttir

---

Gunnhildur Ingvarsdóttir

---

framkvæmdastjóri

---

ritari